

6. Februar 2017

Inatsisartut suleriaasianni § 33 naapertorlugu Naalakkersuisut peqquneqarnissaannik Inatsisartut aaliangiiffigisassaattut siunnersuut matumuuna imaattoq saqqummiuppara:

**Silaannakkut angallannermi kimmut aqqutimik ammaasoqarsinnaaneraniq periarfissaq pillugu misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, misissuinerup inernera kingusinnerpaamik UPA2018-imi saqqummiunneqassaaq.**

(Inatsisartunut ilaasortaq – Vivian Motzfeldt, Siumut)

**Tunnngavilersuut:**

Kimmut sanilerisatta annertunerusumik suleqatigineqarnissaat oqallisigineqartuarsimavoq tamanna-mi aamma pissusissamisoorpoq, taamaakkaluartorli tigussaasunik sutigut annertunerusumik suleqatigineqartariaqarneri tikkuussiffigineqassanatit.

Killiffivut sutigut tamatigut allannguisariaqarnitsinnik oqariartuuteqarput. Ukiorpasuarni nunarput nunasiaalluni kingornalu nunasiatut inissisimanini qimakkaluarlugu nunasiatut aaqqissueriaaseq atuuttuarsimasoq inuit qanoq ittuunitsinnut qanorlu eqqarsartariaaseqalersimanitsinnut annertuumik takussutissiivoq.

Nuna ataaseq periuserlu ataaseq isumassarsiorfigiuarsimagaanni, angalanikkullu periarfissat tassungaannarmut tulluarsarneqarsimappata, periutsinut iliuitsinullu naleqqussarfiulersarput ineriartoq-qinnissamillu mattussisuulersarlutik.

Nunarput Namminersulivikkumaarnermik nunarpassuit allat ullumi taamak killiffeqarsimasut assigalugit alloriaqqikkumavoq.

Nunarput nunarsuarmioqatit akornanni ilinniartitaanikkut, ilisimatusarnikkut, aningaasarsiornikkullu ineriartortinneqartariaqartunik periarfissarpassuaqarpoq, minnerunngitsumillu silaannaap kissatsikiartornera ilutigalugu ukkanneqarnera milliartortussaananani.

Taamatullu immikkuullarissuseqarneq aningaasarsiornikkut pitsaasunik periarfissarsiuunneqassapat nunarsuarmi sammiviit attaveqaatillu annertusarneqartariaqarput minnerunngitsumillu aamma nunarsuup immikkoortuinit allanit tikikkuminarsartariaqarpoq.

Piffissanngorpoq nunatta nuna nunasiaanitsinniilli kisiviat aallaavigalugu isumassarsiorfigalugu tunaartarisimasaminit kaanngariartortinnissaa.

Nunarsuarmi aningaasaatillit sunik ujartugaqarneri nunattalu nunarpassuit allat tunniussinnaanngisaannik peqarnini ataqatigiississinnaasariaqarpai, nunatta inuinit aningaasarsiorneranullu sukarsuit kivitsisinnaasut assigiinngisitaartut tunngavissinneqassappata tamanna piaarnerpaamik aqutissiuunneqartariaqarpoq.

Nunarsuarmioqataaneq oqaasiinaassanngippat nunarput alloriarfimmuut annerusumuut sapiissuseqarluni alloriarariaqarpoq. Nunarsuarmi nunat tamalaat ammaneruffigisariaqarpavut oqaasiinartiguunngitsoq, tigussaasumilli nunanut allanut pingaartumik kimmuut sanilerisatsinnuut toqqaannaq aquteqalernikkut periarfissat piffissami qaninnerpaami aqutissiuunneqarnissaat ujartorneqartariaqalerpoq.

Taamaammatt matumuuna Inatsisartunut siunnersuutigaara silaannakkut angallannermi kimmuut aaqutini ammaasoqarnissaa misissorneqqassasoq - kimmullu sanilerisatsinnuut niueqatigiinnikkut, ilinniartitaanikkut kiisalu attaveqatigiinnikkut suleqatigiinnerup nukittorsarneqarnissaannik tigussaasunik Naalakkersuisut periarfissanik misissuissasut, misissuinerillu taakku kingusinnerpaamik aappagu Inatsisartut upernaakkut ataatsimiinneranni (UPA2018) saqqummiunneqassasut piumasaqaatigalugu Inatsisartut maanna aalajangiissasut.

### **Aningaasatigut allaffissornikkullu Namminersorlutik Oqartussanut kingunissai**

Naatsorsuutigineqassaaq Naalakkersuisut A/C-tut atorfilimmik ataatsimik misissuinissamut illikartitsissasut. Taamatuttaaq naatsorsuutigineqarpoq misissuineq inuup ataatsip ukiumut suliarisinnaasaasa naatsorsorneranut A/C-tut atorfillip ukiup affaani sulisinneqarnissaannik naleqassasoq, aningaasartuutillu kr. 250.000 missaani annertussuseqassaut, suliap naammassinerani nutserneqarneri ilanngullugu. Aningaasartuutissat matussuserneqassapput Naalakkersuisoqarfiup pineqartup ignerlatsinermut missingiutaanniit.

### **Aningaasatigut allaffissornikkullu Inuusutissarsiorlutik kingunissai:**

Soqanngilaq

### **Aningaarsiornerikkut allaffissornikkullu innuttaasunut kingunissai:**

Soqanngilaq